

*La Bûra e l Söul*

*Un dé la Bûra e l Söul, in cal mänter ch'i quistiunêven, ónna pretendànd d èser pió fôrta ed cl èter, i vdénn arivêr un viažadöur con indòs una mantèla. Alöura i dû quistiunànt i s miténn d acôrd ch'al srê stè considerè pió fôrt quëll ch'al fôss ariusé a fèr cavèr la mantèla al viažadöur.*

*La Bûra la taché a supîêr con viulänza, mo pió la supîêva e pió al viažadöur al se strichêva int la mantèla, tant che ala fén ala pôvra Bûra ai tuché d abandonèr al sô propòsit. Al Söul alöura al cunpèrs int al zîl, e döpp a pôc al viažadöur, dal chèld ch'al sintêva, as cavé la mantèla. E ala Bûra ai tuché d arcgnósser che l Söul l èra pió fôrt che lî.*

*T èla piasûda la sturièla? La vlëggna turnèr a dîr?*